

20 MEY 2010

Nanamarika ny fiainan'ny Radio Fahazavana, tsy hay hadinoina

Mihazakazaka ny volana sy taona, tsy hitahita akory dia mitsingerina ny taona nisiana toe-javatra nanamarika ny fiainanana na dia efa heverina ho ela aza. Toy ny vao omaly hatrany ny zava-nitranga sy niainana na dia efa ho 12 taona aza izao. Tsaroana amin'izany ny andron'ny 20 Mey 2010 teny Avaratr'Ambohitsaina, dia ny raharaha FIGN izany. Teo ny hetsiky ny mpitondra fivavahana na ny HMF, sy ny nanakatonana ny Radio Fahazavana sy ny nisamborana ary nanagadrana ireo mpanao gazety tao aminy. Nampiseho ny herisetranay tanteraka ireo mpanongam-panjakanana notarihan'i Andry Rajoelina, nitondra ny fitondrana tetezamita tamin'izany. Ny tantara tsy fanadino.

Nanamarika ny fiainan'ireo mpanao gazety tao amin'ny Radio Fahazavana ny andron'io 20 Mey 2010 io. Ny harivan'io andro io izy ireo no efa nokarohina mafy, mba tsy ilazana hoe nohazaina mihitsy. Izy ireo mantsy no nampita ho henon'ny Malagasy ny zava-nitranga marina teny Ambohitsaina tsy lavy ny fasan'ny mahery fo na Mausolée. Izy ireo ihany koa no tsy nitsahatra ny nampita isan'andro ny hetsiky ny vahoaka mandala ny ara-dalàna nanohitra ny mpanongam-panjakanana nandroba fahefana tamin-kery. Izay fotsiny ihany dia efa tsy zakan'ireo nanongam-panjakanana ireo ary efa nitady kendry tohina ny amin'izay ahazoana azy. Ny harivan'io andro io no nigadona ny efa nandrasan'ireto hanapotika firenena ireto. Teny amin'ny sampanan-dalan'AmbatonaKanga ny toerana nahitan'ireo andiana miaramila sy zandary ary polisy tao anaty fiara mazda ireo mpiasa, mpanao gazety sy teknisiana, efa handeha hody. Rehefa voasambotra ireo, dia nentiny niverina teny Imarivolana itra izay nisy ny toerana nampihodinana ny onjam-peo. Nanaitra ny saina ny firodrodon'ireo fiaran'ny "tomponandraiki-panjakanana" isan-tsokajiny notarihin'ny minisitra roa misahana ny serasera sy ny fifandraisian-davitra tamin'izany, izay tonga teo an-toerana. Marobe ihany koa ireo miaramila, indrindra ny zandary sy polisy tonga teo, ankoatra ireo tao anaty mazda nitondra ireo mpanao gazety. No-

Mediatora

Izao vao hanomboka hametraka ireo rafitra any amin'ny Faritra



Tompon'andraikitra, hametraka ny Mediatora any Menabe.

ny vahoaka ny antom-pisian'ny Mediatoran'ny Republika, ny asa sahaniny sy ireo iraka andrasan'ny olom-pirenena aminy. Voa-laza fa ampifandraisina

amin'izao fametrahana birao rejionalin'i Menabe izao koa, ny fampahafantaranana ireo tohana avy amin'ny tetikasa RINDRA izay misahana ny fanoha-

nana sy fanamafisana ny fanjakana tsara tantana, ny fany tan-dalàna, ary ny fanomezana sehatra ho fandraisian-andrikitry ny olom-pirenana eo anivon'ny vondrom-bahoaka itsinjaram-pahefana, izay vatsian'ny USAID Amerikana vola. Efa 3 taona izao ny fitondrana Rajoe-lina, izao vao manomboka mametraka ny rantsan'ny Mediatora any amin'ny Faritra, rahoviana izany vao ho vita ny Faritra misa 23 raha anio vao hametraka ny rantsany voalohany ity rafitra ity?

Niaina

Fantatra ny fandaharam-potoana hatramin'ny 1 jona

Ao anatin'ny fanaovana fivoriana ara-potoana voalohany amin'ity taona ity, ny andrimpanjakana mpanao Lalàna eto aminitsika dia ny Antenimierandombona, sy ny Antenimierampirenena. Fantatra izao ny fandaharam-potoana eny Tsimbazaza hatramin'ny 1 jona ho avy izao, eo amin'izay sehatry ny fanaovana-dalàna eto aminitsika izay. Tafiditra anatin'ny laha-diniky ny Antenimierampirenena hatramin'ny 1 jona izao, ny fandihana sy fankatoavana ny tolo-dalàna laharana 026/

2021, mikasika ilay fifanahana momba ny famatsiam-bola ny fanatantahana ny tetikasa PRIR-TEM I, fana- tsarana ny famatsiana sy fitaterana rianaratra, vatsin'ny Ban-ky Europeanina ho an'ny fampiasam-bola, na BEI vola. Anisan'ny misongadina koa ilay tolo-dalàna laharana 007-2021/PL, momba ny fanangana komity mpanao fanadihadiana momba ny fanondranana volamena eto Madagasikara, natolotry ny solombavambahoaka Mohamad Ahmad, voafidy tao Fenoarivo Atsinanana. Ny talata teo, no nanaovana ny fivoriana nanapahana ny laha-di-

niky ny Antenimierampirenena ny 12 mey hatramin'ny 1 jona 2021. Fa mbola resaka mitoetra eny Tsimbazaza, ny momba ny ho fandravana ny birao maharitry ny Antenimierampirenena, sy ny ftsipaham-pitokisana ny governemanta. Mbola manana 2 volana latsaka ny ao amin'ity andrimpanjakana ity, ny amin'ny mety hisian'ireo zavatra roa loha farany ireo, na tsia, hodinohana sy ho lanian'ireo depioten'i Madagasikara.

Isambilo



Ny Valosoa sy fakafaka

Tsy araka ny tokony ho izy ny volana mey tamin'ito

Manao politikan'ny akoholahy fataka ny fitondrana ao anatin'izao volana mey izao. Volana izay fotoana eto amin'ity firenena ity manamarika ny fisehon'ny hafanam-pon'ny vahoaka Malagasy, momba ny fahitany ny raharaha-pirenena. Tsy izany loatra anefa no miseho tamin'ity volana ity, ary zary nanggingina aza ny sarambabem-bahoaka amin'ny ankapobeny, fa ny mpitondra fanjakana indray no manao ny ataony. Mifanohitra mihiitsy amin'ny fomba fisainan-dRalamagasy izany. Anisan'izany, ohatra, ny nitranga vao tsy ela tany amin'ny fahit'ltasy, izay polisy, ny lehiben'ny distrika, sy ny namany no nandrangaranga ny mifanohitra amin'ny hetahetam-bahoaka. Ara-tantara, raha ny volana mey tao anaty fanjanahantany tanteraka, ny 19 mey 1929, no nitarihan-dry Ralaimongo sy ny namany ny vahoaka Malagasy niainga avy eo Andohan'Analakely namakivaky ny araben'ny fahaleovantena sy niantsoantso "fahafahana sy fahaleovantena" voalohany ary tontosa izany, nahoana no tsy afa-manao izany ny vahoaka ankehitriny? Fa iza ireto mpitondra firenena ankehitriny ireto? Moa ho mpangeja lavitra noho ny mpanjanatany tamin'izany fotoana izany ve ?

Misy toe-javatra tsy milamina tanteraka eto amin'ity firenena ity ankehitriny, izay manao ny vahoaka Malagasy ho azo entina amin'ny tsy fomba fitondrana vahoaka mendrika hisitraka sy haina malalaka, sy higoka ny tombontsoa sy ny harena lova navelan'ny razany ho azy. Ny firarian-tsoa amin'ny hiram-pirenena, dia ny hoe "hiadana sy ho finaritra, dia ho sambatra toko...". Fa lasa mifanohitra lavitra amin'izany anefa no iainan'ilay vahoaka Malagasy ankehitriny. Toa milalao tanana fotsiny, tsy misy hafitsoka, ary toa manaiky ny manjo mafy ilay vahoaka entiny ny mpitondra. Tsy mbola nandrenesam-peo mihiitsy izao fitondrana hoe hanavotra ny vahoaka amin'ny geja samihafa rehetra. Vao mainka aza izy nanolo ny gejan'ny mpanjanatany, fa amin'ny endrina vaovao, amin'ny tsy fahafahana maneho hevitra amin-kalalahana eny an-kianja. Hatramin'ny fikambanan'ny mpanjifa avy aza no tsy mahazo maneho hevitra amin-kalalahana, nefo efa sempotry ny fidangan'ny vidim-piaianana. Lasa lavitra noho ny an'ny mpanjanatany izao fomba fitondrana izao, saingy malagasy fotsiny no mitondra eto, hoy ny olom-pirenena. Izay manohitra potehina amin'ny fomba samihafa, izay mety miafara amin'ny fanagadrana; aiza ka hatramin'ny mpianatra avy no ampiakarina fitsarana ary misy aza ny nogadraina. Tsy misy mahazo maneho hevitra ankalamajana tato anatin'izao fitondrana izao. Miharihary araka izany, fa tsy tany demokratika intsony i Madagasikara, fa resabe fotsiny ny ankoatra izay. Ny fididianana efa alamindamina any ambadika any, toy ny fanaon'ireo firenena entin'ny mpitondra mpanao didy jadona. Ho very ve ity firenena ity sy ny vahoaka eo aminy? Ny vahiny aza no efa manomboka manjakazaka eo amin'ny taniny hatrany amin'ny faharian-karena ka hatrany amin'ny fitantanana politika. Misy teratany Malagasy manome vahana azy no mahatonga izany.

Sôh'son

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

Kanto R.